



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De His, Qvae Fivnt A maiori parte Capituli. Titulus XI.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

innititur. Denique etiam delictis, vel quasi delictis attenditur, c. 1. c. tua nuper, extr. eod. & Habitans. §. in quibus, hoc tit. In alienationibus tamen ad tempus factis per Prælatum tacite currit Capituli, pro cōsensu habetur: & proculdubio si rati habitio postea subsequatur, cōsensus ab initio accessisse videbitur, c. 2. & c. 3. ext. eo. In rebus tamen modicis, & inutilibus alienandis, nec non feruis fugitiuis, expressus, vel etiam tacitus Capituli consensus non desideratur, c. terrulas, 1. q. 2. & c. casellas, 10. q. 2.

DE HIS, QUAE FIUNT A
maiori parte Capituli.

Titulus XI.

Vice versa, Capitulum, licet habeat res & negotia Ecclesiastica administrandi & tractandi potestatem, non tamen ad deliberandam, ut in ijs, quæ vel incremento, vel damno Ecclesiæ cedere possint, Episcopi, vel Superior prælati non requirat consilium & auctoritatem. Si igitur in rebus Ecclesiæ constituendis collegiati clerici in diuersas eant sententias, maior pars statuit, nisi minor ex euidenti ratione contradicat, amplectendum est, c. 1. q. 2. extr. eod.

Maiores autem attenditur non tantum circa numerum, verum etiam circa iudicij & mentis integritatem, c. sicut in electionibus, extr. de electionibus. Vnde maior etiam dicitur pars, quæ maiori nititur ratione, c. sana, dist. 3. & c. multi, dist. 11. Sciendum etiam, et si maior pars

pars propriè fit, quæ sanior & numerosior: tamè si plures vnanimiter consenserint, & alij numero pauciores contradicant, eousque pro maiori numero præsumitur, donec contrarium probeatur: minor igitur pars iustam contradicendi rationem allegans auditur: quam si coram Superiore probauerit, eius sententia, quasi sanior & utilior, etiam maioris partis opinioni præuallet, c. dudum, extr. de elect. c. illud, 23. distinct. c. interposita, c. constitutus, & c. vt debitus, extr. de appellat.

VT ECCLESIASTICA BENEFICIA sine diminutione conferantur.

Titulus XII.

Concilio Lateranensi prohibitum est, ne quis conferendo Ecclesiasticum beneficiũ, partem prouentuum suis vsibus retinere præsumat: quia beneficia Ecclesiastica, absq; diminutione sunt conferenda. Quod tamen ita distinguendum censet Innocentius III. c. vnico, §. vnde credimus, extr. eod. Aut collator percipit fructus ante collationem: aut post. Si post, dubium nõ est, quin simoniaca prauitas intercedat: si verò ante collationem percipiat prouentus, distinguitur: vtrum ante donationem constituat, vt ipsi prouentus retineantur ad tempus, pro causa iusta & necessaria: aut conueniat cū eo, qui accepit beneficium, seu cum mediatore quocunq; vt officio illo concesso retineat ipse sibi prouentus.